

Lajčák: Dalji napredak prema bezviznom režimu samo uz SSP

Visoki predstavnik i specijalni predstavnik Evropske unije, Miroslav Lajčák, danas je pozdravio potpisivanje sporazuma o viznim olakšicama između Evropske unije i Bosne i Hercegovine, ali je upozorio da bilo kakav napredak prema bezviznom putovanju građana BiH može biti moguć tek nakon što bude zaključen Sporazum o stabilizaciji i pridruživanju sa Evropskom unijom.

“Sporazum prema kojem će određene grupe građana moći lakše putovati predstavlja dokaz opredijeljenosti Evropske unije prema Bosni i Hercegovini te jasno pokazuje da je EU ozbiljna u želji da svoja vrata otvori zemljama Zapadnog Balkana”, rekao je Lajčák.

“EU je ispunila svoje obećanje. Sada je na liderima Bosne i Hercegovine da pokažu da li su zaista opredijeljeni ka procesu evropskih integracija te da ispune svoja obećanja. Bez postizanja sporazuma o reformi policije i zaključivanja Sporazuma o stabilizaciji i pridruživanju sa Evropskom unijom, Bosna i Hercegovina ne može dalje napredovati prema Evropskoj uniji”.